

續資治通鑑

續資治通鑑卷第五十七

聖主嘉祐初年，有都吏轉知北湖與處地方，後移新羅，其地至輕，都尉是也。

宋紀五十七

起強開作聖八月盡屠維
大洞獻三月凡一年有奇

仁宗體天法道極功全德神文聖武睿哲明孝皇

帝

嘉祐二年

遼清寧三年

八月乙巳朔，知襄州兵部員外郎知

制誥賈黯降知郢州黯請解官就養不報乃棄官去為

御史吳中復所劾故降詔編集樞密院機要文字樞

密副使程戡提舉從樞密使韓琦言也丁未琦又言天

下見行編敕自慶歷四年以後距今十五年續降四千

三百餘件前後多抵牾請加刪定乃詔宰臣富弼等及參知政事曾公亮同提點詳定編敕 戊申充國公主出降己酉駙馬都尉李瑋入謝譙于禁中 辛亥遼主作君臣同志華夷同風詩后亦屬和竝進於太后 丁卯建廣惠倉初韓琦請罷鬻諸路戶絕田募人承佃以夏秋所輸之課給在城老幼貧乏不能自存者旣建倉乃詔逐路提點刑獄司專領之歲終具所支納上三司 戊辰知諫院陳旭言比日內降營求恩賞者甚多請令中書樞密院推劾以正干請之罪從之仍榜御史臺閣門 是月翰林學士歐陽修奏疏言陛下向未有皇

嗣尚有公主之愛上慰聖顏今既出降漸疏左右則陛下萬幾之暇處深宮之中誰可與語言誰可承顏色臣愚亦謂宜因此時出自聖意于宗室中選材賢可喜者錄以爲皇子使其出入左右問安視膳以慰聖情 翰林侍讀學士兼侍講學士吏部郎中王洙病踰月帝遣使問九月甲戌朔洙卒賜諡曰文御史吳中復言洙官不應諡乃止 庚辰詔內臣爲鈐轄都監者逐路止置

一員

致異李燾曰李復圭記聞云嘉祐以前每路管兵

內臣或至三四員循法者少復圭奏請每路止限一員詔如所請遂爲定制復圭自記如此朱墨附傳及墓誌並不及之案此時復圭實知涇州不知此詔果是從復圭所請否

乙酉樞密院言自今舉使臣須本路安撫轉

運使提點刑獄知州通判方爲舉主其在京文臣非知
雜御史武臣非觀察使以上所舉毋得施行從之 庚

子遼主幸中會川遣樞密使蕭扈等來請御容 冬十

月己酉以翰林學士胡宿爲回謝使使於遼禮賓使李

瑗副之且許以御容約賀正使置衣篋中交致焉

致異李燕

日張唐英云遣張昇送御容遼主具儀
仗拜謁驚歎案昇非送御容者今不取

遼主謁祖陵

庚申謁讓國皇帝及世宗廟辛酉奠酎於玉殿 辛未

贈太尉兼侍中劉平諡曰壯武

致異長編作壯愍
今從宋史本傳

初

三司言商旅于權貨務入見錢筭東南鹽歲課四百萬
緡諸路般運不足而課益虧請選官置司以主之十一

月癸酉朔置江淮南荆湖制置司句當運鹽公事一員

丙子遼以左伊勒希巴

舊作夷裔
畢今改

瑪嚕爲行宮都部

署 丁丑以禮部員外郎兼侍御史知雜事馬遵爲吏

部員外郎直龍圖閣以疾自請也遵尋卒錄其子姪二

人遵性樂易言時政得失不爲激訐故多見推行杜衍

范仲淹皆稱道之 己卯以河北提舉使糴糧草薛向

提點河北刑獄仍兼提舉使糴糧草當河北大水民之

食詔輟太倉米六十萬斛以賑之向以爲北人不復食

杭且漕路同遠不時至請出本司米四十萬石以代之

丙申詔三司使副體量在省判官才否以聞從知諫

院陳旭言也

戊戌以昭德軍節度使知并州龐籍爲

觀文殿大學士戶部侍郎知青州初司馬光建議築堡
籍徵麟州如光議及郭恩等敗歿詔侍御史張伯玉按
鞫籍匿光初所陳事故光得以去官免責而籍爲御史
劾奏罷節度使光不自安三上書乞獨坐其罪不報

己亥殿中丞國子監直講孫復治春秋著聞於時旣疾
韓琦言請選書吏給紙札命其門人祖無擇卽家錄之
書藏祕閣特官其子復卒又賜錢十萬復惡胡瑗爲人
在太學常相避瑗治經不如復而教養諸生過之 庚
子高麗貢於遼 先是王洙侍通英閣講周禮至三年

大比帝曰古者選士如此今率四五歲一下詔故士有抑而不進者爲今之計孰若裁其數而屢舉也下有司議咸請易以閒歲之法則無滯才之歎薦舉數旣減半主司易以詳較得士必精十二月戊申詔自今閒歲貢舉進士諸科悉解舊額之半又別置明經科舊置說書舉今罷之其不還鄉里而寓戶它州以應選者嚴其法每秋試自縣令佐察行義保任之上于州州長貳復審察得實然後上本道使者類試已保任而後有缺行則州縣皆坐罪若省試而文紕繆坐元考官又用孫抃奏諸州解試額多而中程少者不必足額 庚戌遼禁職

官於部內假貸貿易 辛亥立內降關白二府法 癸

丑詔大臣所舉館職自今令中書籍記姓名候在官員

數稍少卽選文行爲眾所推者與試其考校無得假僭

等第從知諫院陳旭言也 戊辰遼以太皇太后不豫

曲赦行在五百里內囚已巳太皇太后殂謚欽哀欽哀

自聽政弑其嫡后爲國人所不服旣廢而復迎以不得

顓政猜忌興宗然猶干預政事郡王特布舊作貼不今改家奴

濟哩節舊作彌里吉今改告其主言涉怨望鞠之無驗當反坐

以欽哀言竟不加罪亦不斷付其主僅籍沒焉寧遠軍

節度使蕭白掠烏庫德呼勒舊作烏古敵烈今改都詳袞舊作詳穩今改

迪嚕

舊作敵
魯今改

之女彊爲妻亦因欽哀言僅杖而奪其官

興宗末年政刑廢弛亦多由欽哀使然時欽哀諸弟唯
孝友尙存先以柴冊恩遙授洛京畱守致仕至是進封
豐國王 是歲夏改元禪都

二年

遼清寧
四年

春正月壬申朔遼主如鴨子河 己卯以

福州進士陳烈爲安州司戶參軍烈篤於孝友從學者
數百人天章閣待制曹穎叔知福州薦之授本州州學
教授於是翰林學士歐陽修又薦之故有是命烈皆辭
不受 甲申封江夏民妻張氏爲旌德縣君表其墓曰
烈女初里中惡少謝師乞過其家持刀逼張欲與爲亂

張大罵至以刃斷其喉猶能走禽師乞以告鄰人事聞

特褒異之

丁亥遼知易州事耶律普德

舊作頗德今改秩滿

部民請畱許之

二月癸卯遼遣林牙蕭福延來告喪

帝爲發哀于內東門幄殿輟視朝七日

先是太常博

士吳及旣除喪擢祕閣校理乙巳改右正言諫院供職

復上疏請擇宗室子以備儲副旣又言開寶詔書內侍

年三十聽養一子爲嗣并以名上宣徽院違者抵死比

年此禁益弛天絕人理陰累聖嗣願詔大臣明示舊制

上順天意以綏福祐帝嘉納之

丙午遼詔伊勒希巴

諸路鞠死罪獄雖具仍令別州縣覆案無冤然後決之

稱冤者卽具奏庚戌遼主如魚兒渌三月辛未朔命翰林學士歐陽修兼侍讀學士修以侍讀多冗員固辭不拜甲戌詔禮部貢舉戊寅遼募天德鎮武東勝諸處之勇健者籍之爲軍己卯以起居舍人范鎮知制誥鎮自罷言職每因事未嘗不以儲嗣爲言及知制誥正謝又面論曰陛下許臣復三年矣願早定大計甲午遼肆赦丙申詔三司編天下驛券則例從樞密使韓琦請也夏四月甲辰遼主謁慶陵甲子資政殿大學士吳育卒贈吏部尚書諡正肅乙丑罷修睦親宅祖宗神御殿初從歐陽修言也五月癸酉右正

言吳及言太宗朝嘗給三司判官御前印紙歷子令批書課績今其書雖存而無考校之法請自今歲終案功過而升黜之詔以及所言錄示三司使張方平 遼葬欽哀太后於慶陵 初鹽鐵副使郭申錫受詔視河與河北都轉運使李參論議不相中訟參遣小吏高守忠齋河圖屬宰相文彥博御史張伯玉亦奏參朋邪結託有狀以事連宰相乃詔天章閣待制盧士宗右司諫吳中復推劾而申錫伯玉皆不實伯玉以風聞免劾乙酉降申錫知滁州尋改知濠州 遼主如永安山清暑六月丙午吏部尚書平章事文彥博罷爲河陽三城節

度使同平章事判河南府郭申錫張伯玉攻彥博雖不
勝彥博亦不自安數求退帝許之 以樞密使工部尙
書韓琦依前官平章事集賢殿大學士 樞密使山南
東道節度使同平章事賈昌朝罷爲鎮東節度使右僕
射兼侍中景靈宮使文彥博始求退諫官陳旭等恐昌
朝代之乃疏昌朝交通女謁建大第別爲客位以待宦
官又宦官有矯制者樞密院釋弗治昌朝由此罷初溫
成皇后乳母賈氏宮中謂之賈婆婆昌朝以姑事之諫
官劾昌朝交通女謁指賈氏也 以觀文殿大學士兵
部尙書宋庠樞密副使禮部侍郎田況並爲樞密使帝

初欲用王堯臣爲樞密使當制學士胡宿固抑之乃止

以右諫議大夫權御史中丞張昇爲樞密副使 庚

戌以權知開封府包拯爲右諫議大夫權御史中丞拯

言東宮虛位羣臣數有言者未審聖意何久不決帝曰

卿欲誰立拯曰臣爲宗廟萬世計耳陛下問臣欲誰立

是疑臣也臣行年七十且無子非邀後福者帝喜曰徐

當議之拯又言近年內臣祿秩權任優崇稍過惟陛下

裁抑又言累年以來制敕纔下未踰月而輒更奏語方

行又隨時而追改民知命令之不足信則賞罰何以沮

勸欲乞今後臣僚上言利害竝請先下兩制集議如可

經久方許頒行不可數有更易又陳教養宗室之法請
條責諸路監司及御史府自舉屬官諫官御史不避二
府薦舉者聽兩制得至執政私第事多施行以翰林
學士歐陽修權知開封府修承包拯威嚴之後一切循
理不事風采或以爲言修曰人各有短長不能舍所長
彊所短也甲寅詔學士院編錄國初以來所撰制誥
從歐陽修請也乙丑遼以北院樞密使蕭革爲南院
樞密使徙封楚王以南院樞密使吳王耶律仁先爲北
院樞密使革先以姦佞得幸於興宗旋奉遺詔立遼主
遼主寵禮不衰仁先嘗爲東京留守通山開道控制女

直以安邊民甚有威望遼主待之不如革 丁卯交趾
貢異獸二物本國稱貢麟狀如水牛身被肉甲鼻端有
角食生芻果瓜必先以杖擊然後食知虔州杜植奏廣
州嘗有番商辨之曰此乃山犀也謹案符瑞圖麟仁獸
也麋身牛尾一角角端有肉今交趾所獻不類麋身而
有甲必知非麟但不能識其名請宣諭交趾進奉人及
回降詔書但云得所進異獸不言麒麟足使殊俗不能
我欺又不失朝廷懷遠之意乃詔止稱異獸云 是月
提點荆湖北路刑獄司動員外郎潘夙權本路轉運使
時蠻反邵州殺隊將及其邵兵故委夙經制蠻事夙駐

兵貲木寨親督兵援所遣將破團峒九十餘夙美之從

曾孫也

政異范祖禹撰郭遠墓誌云邵州武岡楊昌透

起徑至賊壘黎明圍數市昌透登柵大呼達命焚柵斬

其將諭昌透令降是以平邵州蠻爲郭遠事也長編據

潘夙傳作潘

夙事今從之 秋七月癸酉以福州進士周希孟爲國

子監四門助教本州州學教授以知州蔡襄薦也往時

閩人專用賦以應舉襄得希孟專以經術傳授襄親至

學舍執經講問爲諸生先延見處士陳烈尊以師禮州

人陳襄鄭穆學行著稱襄皆折節待之閩俗治喪尙浮

屠務豐侈往往破家襄下令禁止至於巫覡主病蠱毒

殺人之類皆痛斷絕之閩俗以變 辛巳遼制諸掌內

藏庫官盜兩貫以上者許奴婢告 壬午遼主獵於黑
嶺先是伊實部人蕭巖壽剛直尚氣重熙末始仕無所
知名及遼主卽位太后屢稱其賢由是進用遼主出獵
命巖壽典其事未嘗高下於心遼主益重之旋歷文班
太保同知樞密院事 丙戌詔廣濟河溫原武縣河決
遣官行視民田賑恤被水害者 丁亥命權御史中丞
包拯領轉運使提點刑獄考課院 壬辰復以度支員
外郎范祥制置解鹽從張方平包拯言也 權御史中
丞包拯言右正言吳及立身有守遇事敢言緣與樞密
副使張昇妻是親奏乞外郡然昇妻亡已久理不當避

乞令依舊供職許之 權知開封府歐陽修言近依諫
官陳旭所請俸求內降之人委二府劾奏其罪臣自權
知開封府未及兩月十次承準內降本府具奏至于再
三而內降不已乞相究因緣干求之人奏攝下府勘劾
重行責罰 八月己亥朔日有會之

（攷異）遼史失書今從長編及宋史

甲辰詔禮部貢院宗室壻不許鎖廳應舉 丁未詔

三司京師比歲旱屢調民租其以緡錢十萬下本路助
糴軍儲 辛亥以度支副使周湛爲遼太后生辰使湛
辭不行乃命權鹽鐵副使王鼎代往 己未參知政事
王堯臣卒輟視朝一日贈左僕射諡文安 庚申下溪

蠻彭仕義率眾降歸連歲折掠甲仗士卒詔辰州還其
孥及銅柱自是復通中國然桀驚益甚 辛酉封左屯
衛大將軍秀州團練使從信爲榮國公吳懿王德昭孫
舒國公惟忠子也 知鄆州劉敞言晉周公作無逸以
戒成王其言曰商王中宗及高宗及祖甲及文王皆以
無淫于觀于逸于游于田是以膺無疆之福子孫蕃昌
此聖人之至言也陛下臨政三十七年矣百姓賴陛下
之德養老慈幼人遂其性願陛下日謹一日與天無極
比聞車駕數臨苑圃置酒觀樂聖心自有常節而議者
謂其太頻臣恐近習苟於承意而不能諫大臣限以體

貌而不得言傳聞四方未副盛德外之則嫌怠於政事
有游觀之好內之則疑酣於酒德違攝生之理願陛下
玩心神明養以清淨聽止於中聲母以煩耳味止於實
氣母以爽口則自天祐之吉無不利矣 初官既權茶
民私蓄販皆有禁臘茶之禁尤嚴犯者其罰倍凡告捕
私茶皆有賞然約束愈密而冒禁愈蕃歲報刑辟不可
勝數園戶困於征取官司旁緣侵擾因而陷於罪戾以
至破產逃匿者歲比有之官茶所在陳積縣官獲利無
幾論者皆謂宜弛禁便景祐中葉清臣嘗上疏乞弛禁
三司議皆以爲不可至是著作佐郎何鬲三班奉職王

嘉麟又皆上書請罷給茶本錢縱園戶貿易而官收其租錢與所在征算歸權貨物以償過糴之費可以疏利源而寬民力嘉麟爲登平致頌書十卷隆衍視成策二卷上之淮南轉運副使沈立亦集茶法利害爲十卷陳通商之利宰相富弼韓琦曾公亮等決意嚮之力言於帝九月癸酉命翰林學士韓絳知諫院陳旭及知雜御史呂景初卽三司置局議之丙子以屯田員外郎李師中提點廣南西路刑獄師中建言嶺南自古不利戍兵乞置土丁募敢勇家丁至四五則籍一人總爲五番上州教閱不及五百人爲四番利器械農隙訓之禁一

切它役上番則給糧免稅校長免二丁稅於是一路得
四萬餘人又請通鹽商以便民復邕州和市場以實邊
事多施行桂州興安縣有靈渠北通江湖南入海自秦
漢通舟楫皆石底淺狹十八里內置三十六斗門一舟
所載不過百斛乘漲水則可行師中積薪焚其石募工
鑿之廢斗門二十六役三旬而成舟楫以通 辛巳天
平節度使宣徽南院使張堯佐卒贈太師堯佐持身謹
畏頗通吏治晚節以戚里進遽至崇顯戀嫖恩寵爲世
所鄙 冬十月乙巳出內藏庫紬絹十萬下河東轉運
司助糴軍儲 癸亥除河北坊郭客戶乾食鹽錢 甲

子以提點江南東路刑獄王安石爲度支判官安石獻書萬言極陳當世之務其略曰今天下之財力日以困窮而風俗日以衰壞患在不知法度故也法先王之政者當法其意而已法其意則吾所改易更革不至乎傾駭天下之耳目囂天下之口而固已合乎先王之政矣又曰方天下之人才未嘗不自人主陶冶而成之所謂陶冶而成之者亦教之養之取之任之有其道而已今之教者非特不能成人之才又從而困苦毀壞之使不得成才又曰困天下之力以生天下之財取天下之財以供天下之費自古治世未嘗以財不足爲公患也患

在治財無其道耳又曰在位之人才既不足矣而閭巷
草野之間亦少可用之才非特行先王之政而不得也
社稷之託封疆之守陛下其能久以天幸爲常而無一
旦之憂乎臣願陛下鑒漢唐五代之所以亂亡懲晉武
苟且因循之禍明詔大臣思所以陶成天下人才慮之
以謀計之以數爲之以漸期合於當世之變而無負於
先王之意則天下之人才不勝用矣又曰臣之所稱流
俗之所不講而今之議者以謂迂闊而熟爛者也惟陛
下留神而察之

政事大記曰安石上書於嘉祐亦謂
方今法度不合先王之政朝廷欲有所

施爲變革一有流俗僥倖之人不悅而非之遂止而不
敢爲蓋指慶歷而言而安石變法之蘊亦略見於此書

特安石受變之說與仲淹同而更變之意則與仲淹異耳鳴呼使慶歷之法盡行則熙寧之法不變使仲淹之言得用則安石之言可塞今仲淹之志不盡行於慶歷安石之學不用於嘉祐而乃盡用于熙寧世道升降之機議者又於此而三致意焉

十一月癸酉命翰林學士韓絳諫官

陳旭御史呂景初同三司詳定省減冗費初樞密副使張昇請罷民間科率及營造不急之務其諸場庫務物之闕供者令所在以官錢收市之於是置省減司於三司自是多所裁損云 是日遼主行再生禮及柴冊禮宴羣臣於八方陂先是遼主將行大冊禮南院樞密使蕭革曰行大禮備儀物必擇廣地算若黃川三司使劉六符曰不然禮儀國之大體帝王之樂不秀于野今中

京四方之極朝覲各得其所宜中京行之遼主從六符
議戊寅御清風殿受大冊禮大赦吳王耶律仁先徙封
隋王出爲南京副元帥以耶律華格舊作化哥今改譖之也王
午遼主謁太祖及諸帝宮丙戌祠木葉山禁造玉器

己丑詔罷三司河渠司以御史知雜呂景初領河渠司
事楊佐同判河渠司句當公事孫琳王叔夏知監丞事
江湖上供米舊轉運使以本路綱輸眞楚泗州轉般
倉載鹽以歸舟還其郡卒還其家而汴舟詣轉般倉運
米輸京師歲摺運者四河冬涸舟卒亦還營至春復集
名曰放凍卒得番休逃亡者少而汴船不涉江路無風

波沈溺之患其後發運使權益重六路上供米團綱發船不復委本路獨發運使專其任文移全并事日赫彰有不能檢察則吏胥可以用意于其間操舟者賕諸吏輒得詣富饒郡市賤買貴以趨京師日是江汴之舟混轉無辨挽舟卒有終身不還其家老死河路者籍多空名漕事大敝皇祐中發運使許元奏近歲諸路因循糧綱法壞遂令汴綱至冬出江爲它路轉漕兵不得息宜救諸路增船載米輪轉般倉充歲計如故事於是言利者多以元說爲然詔如元奏會元去不果行旣而諸路綱不集庚寅復下詔切責有司江淮兩浙轉運司期以

明年各造船補卒國本路綱自嘉祐五年汴綱不得復

出江遼三司使劉六符卒六符有志操能文章遼人

重之十二月乙巳攷異宋史仁宗紀作己巳案是歲

己巳今從長編詔三司每歲上天下歲賦之數自今三歲一會

其虧贏以聞遼池士庶畜鷹之禁辛亥南院樞密使

楚王蕭革復爲北院樞密使翰林院學士韓絳言中

書門下宰相所職而以它官判省名不相稱宜更定其

制依周禮唐六典爲一書詔翰林學士胡宿知制誥劉

敞詳定以聞敞等條列刊正裁損申明十事後不果行

辛酉詔年七十而居官犯事或以不治爲所屬體量

若衝替而未致仕者要_一不推恩子孫、閏月丁卯朔詔
嘗爲中書樞密院諸司吏人及技術官職無得任提點
刑獄及知州軍自軍班出至正任者方得知遷要州軍
己巳遼賜皇太叔重元金券會皇子濬生重元妻入
賀以豔冶自矜皇后素端重見之弗喜戒曰爲大家婦
何必如此重元妻歸冒重元曰汝是聖宗兒乃使人以
哈屯舊作可敦今改加我汝若有志當答此婢重元子尼嚕古
素有異志故婦言如此先是朝議以科舉旣數則高
第之人倍眾其擢任恩典宜損於故詔中書門下裁之
丁丑詔自今制科入第三等與進士第一除大理評事

簽署兩使幕職官事代還升通判再任滿試館職制科
入第四等與進士第二第三除兩使幕職官代還改次
等京官制科入第五等與進士第四第五除試銜知縣
代還遷兩使幕職官鎮廳人視此自是驟顯者鮮而所
得人才及其風迹比舊亦寢衰 己卯詔明年正旦口

食其自丁亥避正殿減常膳

攷異宋史紀載此詔於庚辰今從長編

知制

誥劉敞言三代之典日食無預避之事先王制禮過之
者猶不及其制法先時者與不及時者均貴得中而已
漢唐素服寢兵卻朝會不視事及求直言大率皆在合
朔之辰未有先時旬日者也兆憂太過春秋所譏乞詳

求舊典折衷於禮 已丑詔中書五房編總例從韓琦
請也 是歲應天府失入平民死罪未決通判孫世寧
辨正之吏當坐法知府劉沆縱弗治提點刑獄韓宗彥
往按舉沆復沮止之宗彥疏于朝卒抵吏罪宗彥綱之
子也

四年

遼清寧五年

春正月丙申朔日有食之

攷異遼史不載是年日食契丹

國志與宋史同遣官祭社帝避殿不視朝知制誥劉敞言臣前
論先期避殿不中古典未蒙省察今又聞遣官祭社稽
之於經亦未見此禮蓋社者上公之神羣陰之長故曰
日食則伐鼓于社所以責上公退羣陰今反祠而請之

是屈天子之禮從諸侯之制抑陽扶陰降尊貶重非承
天戒尊朝廷之意也右正言吳及言日會者陰陽之戒
在人事之失陛下淵默臨朝陰邪未能盡屏左右親倖
驕縱亡節將帥非其人爲外所輕此其失也因言孫河
在并州苛暴不法燕飲無度龐籍前在并州輕動寡謀
輒興堡寨屈野之耻爲國浚恥河卒坐廢 丁酉羣臣
表請御殿復常膳三請乃許 自去年雨雪不止民飢
寒死道路甚眾詔遣官分行京城賑恤知開封府歐陽
修請罷上元放燈從之壬寅賜在京諸軍班特支錢因
賑恤而兼及於諸軍也 三司使張方平上所編驛券

則例三卷賜名曰嘉祐驛令

甲辰翰林學士胡宿權

知貢舉

太子中允天章閣待講管句太學胡瑗病不

能朝戊午授太常博士致仕歸海陵諸生與朝士祖餞

東門外時以爲榮及卒詔賻其家集賢校理錢公輔率

太學諸生百餘人卽佛舍爲位哭又自陳師喪給假二

日始命韓絳陳旭呂景初卽三司置局議弛茶禁三

司言宜約至和後一歲之數以所得息錢均賦茶民恣

其買賣所在收算請遣官詢察利害以聞詔遣司封員

外郎王靖等分行六路及還皆言如三司議便二月己

巳下詔弛茶禁初所遣官旣議弛禁因以三司歲課均

賦茶戶凡爲緡錢六十八萬有奇使歲輸縣官比輸茶時其出幾倍朝廷難之爲損其半歲輸緡錢三十三萬八千有奇謂之租錢與諸路本錢悉儲以待邊糴自是唯臘茶禁如舊餘茶肆行天下矣 乙亥詔三司以天下廣惠倉隸司農寺遂州選幕職曹官各一人專監之每歲十月別差官檢視老弱病不能自給之人籍定姓名自次月一日給米一升幼者半升每三日一給至明年二月止有餘卽量縣大小而均給之 丁丑置館閣編定書籍官以祕閣校理蔡抗陳襄集賢校理蘇頌館閣校勘陳繹分昭文史館集賢院祕閣書而編定之抗

挺之兄頌紳之子繹開封人也初祕閣校理吳及言近年用內臣監館閣書庫偕出書籍亡失已多又簡編脫略書吏補寫不精非國家崇尚儒學之意請選館職三兩人分館閣人吏編寫書籍其私偕出與偕之者並以法坐之仍請求訪所遺之書乃命抗等仍不兼它局二年一代別用黃紙印寫元本以防蠹敗 庚寅詔禮部貢院進士曾經御試五舉諸科六舉進士省試六舉諸科七舉年五十以上者具名以聞癸巳御崇政殿試禮部奏名進士及明經諸科及特奏名進士諸科 交趾寇欽州 三月戊戌命翰林學士韓絳權知開封府陳

旭天章閣待制唐介與三司減定民間科率以聞 己
亥以三司使張方平爲端明殿學士知陳州先是京城
富民劉係衡開酒場負官麴錢百餘萬三司遣吏督之
係衡賣產以償方平因買其邸舍係衡得錢卽輸官不
復入家會係衡姑訟係衡非劉氏子壞劉氏產下吏按
驗具對以實御史中丞包拯遂劾方平乘勢賤買所監
臨富民邸舍不可處大位故命出守尋改知應天府以
端明殿學士宋祁爲三司使 丁未賜進士鉛山劉輝
等一百三十人及第三十二人同出身諸科一百七十
六人及第同出身特奏名進士諸科六十五人同出身

及諸州文學長史授官如三年閏十二月丁丑詔書

攷異

案宋本紀云賜進士諸科及第同出身三百三十九人今從長編

己未以三司使宋

祁爲端明殿學士知鄭州權御史中丞包拯爲樞密直學士權三司使先是右司諫吳及言祁在定州不治縱家人貸公使錢數千緡及在蜀奢侈過度而拯亦言祁在益部多游宴且其兄庠方執政不可任三司論之不已庠因乞除祁外官故命祁出守而拯代居其位翰林學士歐陽修言近除包拯爲三司使命下之日外議誼然以爲朝廷貪拯之材而不爲拯惜名節然猶冀拯能堅讓以避嫌疑而數日之閒拯已受命是可惜也拯天

姿峭直然素少學問朝廷事體或有不思至如逐其人而代其位嫌疑之迹常人皆知拯豈獨不思哉拯在臺日嘗指陳前三司使張方平過失方平由此罷去以宋祁代之又間拯彈祁過失祁亦因此罷而拯遂代其任此所謂蹊田奪牛豈得謂無過而整冠納履當避嫌疑者也疏奏拯卽家避命不許久之乃就職 初王禹偁奏天下僧尼日增月益不可卒去宜詔天下州軍凡僧百人得歲度弟子一人久而自消之勢也詔從之至和初陳執中執政因乾元節聽僧五十人度弟子一人旣而言者以爲不可復行舊制貢昌朝在北京奏京師僧

寺多招納亡賴游民爲弟子乞皆取鄉貫保任方聽收

納詔從之京師尼僧大以爲患至是有中旨復令五十

僧度一弟子及京師僧寺弟子不復要取保任僧徒大

喜爭爲道場以荅上恩

攷異李燾曰此當在三月丁巳而實錄無之案王禹偁所請亦

不見於國史唯日記稱執中因南郊赦聽五十僧度一弟子案至和元年二月戊午有此指揮不緣南郊且至和凡二年竝無南郊及降赦事日記誤矣今改正有上封者論河北義勇有

事則集于戰陳無事散歸田里以時講習無待儲廩得

古寓兵於農之意惜其束於列郡止以爲城守之備誠

能於邢冀二州分東西兩路命二郡守臣分領寇至卽

兩路義勇之師翔進赴援傷出掩擊使其腹背受敵則

河北二十餘所常伏銳兵矣議下河北路帥臣等時大名府李昭亮定州龐籍真定府錢明逸高陽關王贊等上議曰唐澤潞畱後李抱真籍戶丁男三選其一農隙則分曹角射歲終都試以示賞罰三年皆善射舉部內得勁卒二萬旣無廩費府庫益實乃繕甲兵爲戰具遂雄視山東是時天下稱昭義步兵冠於諸軍此近代之顯效而或者謂民兵祇可城守難備戰陳誠非通論但當無事時優分兩路置官統領以張用兵之勢外使敵人疑而生謀內亦搖動眾心非計之得姑令在所點集訓練三二年間武藝稍精漸習行陳遇有警得將臣如

抱負者統馭制其陳隊示以賞罰何戰之不可哉至於
部分布列量敵應機繫於臨時優宐亦難預圖況河北
本皆邊胡之地自置義勇州縣以時按閱耳目已熟行
固無疑詔如所議歲閱以新舊籍并閱數間 是春遼
主如春州

續資治通鑑卷第五十八

宋紀五十八

宋紀五十八

起屠維大淵獻四月盡上章因敦五月凡一年有奇

仁宗體天法道極功全德神文聖武睿哲明孝皇帝

嘉祐四年

遼清寧五年

夏四月戊辰詔諸路提點刑獄朝臣

使臣竝帶兼提舉河渠公事從判都水監吳中復請也

王申端明殿學士戶部侍郎李淑卒贈尚書右丞淑

詳練朝廷典故凡有沿革帝必咨訪然喜傾詖故屢爲

言者所斥訖不得志抑鬱以死初著作佐郎何昂以

皇嗣未立疏請訪唐周苗裔備二王後禮院議唐世數已遠周室子孫宜授官爵專奉廟享癸酉詔有司取柴氏譜系推最長一人奉周祀於是封周世宗後柴詠爲崇義公與河南府鄭州合入差遣給公田十頃專管句陵廟 丙子以天章閣待制何郟同知通進銀臺司兼門下封駁事時封駁職久廢郟上言本朝設此司實代給事中之職乞準王曾王嗣宗故事凡有詔敕並由銀臺司從之 癸未司徒致仕陳執中卒帝幸其第臨奠贈太師兼侍中禮官韓維議其諡曰皇祐之末天子以後宮之喪問所以葬祭之禮執中爲上相不能攷正儀

典如治喪皇儀非嬪御之禮追冊位號與宮闈有嫌建廟用樂踰祖宗舊制閨門之內禮分不明謹案謚法寵祿光大曰榮不勤成名曰靈請謚曰榮靈判太常寺孫抃等請謚恭判尙書考功楊南仲覆議請謚恭褻詔謚曰恭維累疏論列以爲責難於君謂之恭臣之議執中正以其不恭因乞罷禮官不報旣而帝又爲執中篆其墓碑曰裒忠 己丑後宮董氏生皇第九女旋晉董氏爲貴人 壬辰御崇政殿錄繫囚雜犯死罪以下遞降一等徒以下釋之知制誥劉敞言疏決在京繫囚雖恩出一時然在外羣情皆云聖意以皇女生故施慶澤恐

非令典去年閏月已會減降尙未半年復行此恩傳稱
民之多幸則於國不幸一歲再赦好人喑啞前世論之
詳矣雖成事不說臣願朝廷戒之又聞多作金銀犀象
玉石琥珀玳瑁檀香等錢及鑄金銀爲花果賜予臣下
自宰相臺諫皆受此賜無益之費無名之賞無甚於此
非所以軌物訓儉也望陛下演執恭儉以荅天貺不宐
行姑息之恩出浮沈之費以墮儉德

戊午周氏又生女

又引江氏雜志云公主誕慶三日宰臣以下有金銀玳瑁犀角檀香象牙錢三舍人獨二權修注得之四待制獨三講筵得之劉敞何郊不與臺中自獨坐至監察一等受賜館中惟吳及正言得之蓋內官懼臺諫也蓋以劉敞所言爲周氏生女而發也案宋史周貴妃生兩公主下嫁錢景臻郭獻卿嫁錢景臻者卽慶壽公主乃仁

宗第十女也適郭獻卿者即寶壽公主乃仁宗第十二女也此時賞賜之濫自因董氏生第九女非周氏生女也長

編誤

五月戊戌詔曰君臣同德而過設禁防非朕意

也舊制臣僚不許詣執政嘗所薦舉不得爲御史其悉除之始用包拯議也庚子詔入內內侍省內臣員多

權罷進養子入內用吳及議也

攷罷宋會要以爲從翰林學士韓絳之奏今從

編長

度支判官祠部員外郎王安石累除館職竝辭不

受中書門下具以間詔令直集賢院安石上章辭至八

九猶累辭乃拜王子遣官經界河北牧地餘募民種

藝樞密使禮部侍郎田況暴中風瘖十上章求去丙

辰罷爲尙書右丞觀文殿學士翰林侍讀學士提舉景

靈宮 戊午後宮周氏生皇第十女初董氏及周氏有
娠內外皆冀生皇子內侍省多具金帛器皿雜物備賜
予又修潛龍宮潛龍宮者眞宗爲府尹時解舍也皆生
皇女其賜予之數猶數倍於兗國公主出降時 六月

甲子遼主如納葛濼

攷異遼史本紀作甲子朔置中落

據朔攷是月宋歷乃是癸亥朔較

遼先一日其時南北各置司天官朔閏不無互

異而宋歷較遼爲密今依宋朔爲準故去朔字 自溫

成之歿後宮得幸者凡十人謂之十閣周氏董氏溫成
之妹皆與焉周董以生皇女進秩諸閣皆求遷改詔中
書出敕誥中書以其無名覆奏罷之求者不已乃皆以
手詔授焉溫成之妹獨固辭不受同知諫院范師道上

疏曰禮以制情義以奪愛常人之所難惟明哲之主然後能之竊聞諸閤女御以周董育公主御寶白荊並爲才人不自中書出誥而掖廷覬覦遷拜者甚多周董之遷可矣女御何名而遷乎夫寵幸太過則瀆慢之心生恩澤不節則無厭之怨起御之不可不以其道也且用度太煩須索太廣一才人之俸月直中戶百家之賦歲時賜予不在焉況誥命之出不自有司豈盛時之事邪恐斜封墨敕復見於今日矣 戊辰光祿卿直祕閣同判宗正寺趙良規言國家乘百年之運崇七世之靈追孝不爲不嚴奉先不爲不至然而祭祀之秩舉閒以公

卿而攝行雖神主有合會之名而太祖虛東向之位伏請講求定儀爲一代不刊之典下太常禮院議又詔待制以上及臺諫官同議禮部尙書王舉正等議曰大禘之祭所以合昭穆辨尊卑必以受命之祖居東向之位本朝太祖實爲受命之君然僖祖以降四廟在上故每遇大禘止列昭穆而虛東向魏晉以來亦用此禮今親享之盛謂宜如舊爲便從之己巳宰臣富弼等請加尊號曰大仁至治詔不許故事每三歲躬行大禮畢輒受尊號自康定以來罷之至是執政復舉故事以請知諫院范師道言比災異數出而崇尚虛文非所以荅天

戒知制誥劉敞言尊號非古也陛下不受徽號已二十

年柰何一旦增虛名而損實德帝曰朕意亦謂當如此

卿等表五上卒不許攷異曲洧舊聞以仁宗御尊號爲四年孟冬事又以受虛名而損實

美爲宋景文語今從長編以太子中允王陶大理評事趙彥若國

子博士傳卞於潛縣令孫洙竝爲館閣編校書籍官館

閣編校書籍自此始丁丑詔諸路轉運司使凡鄰路

鄰州災傷而輒閉糴者以違制坐之從諫官吳及言也

戊寅月食幾盡己卯放宮人二百一十四人攷異東都事略

作六月辛亥放宮女二百一十四人宋史本紀繫於辛卯書曰互異長編從日記作己卯以爲應天變也今仍

之己丑遼以南院樞密使蕭阿蘇舊作阿速今改爲北府宰

相以樞密副使耶律伊遜為南院樞密使以特里袞扎

拉為遼興軍節度使以魯王色嘉努舊作謝家奴今改為武定

軍節度使以東京畱守吳王特布為西京畱守 秋七

月丙申以太子中允王陶為監察御史裏行初詔中丞

韓絳舉御史而限以資任屢舉不應格於是絳請舉裏

行以陶為之詔可陶辭不受詔彊之乃就職景祐元年

年四月中丞韓億請復置殿中侍御史監察御史裏行

詔從之是年五月張宗誼孫河並為監察御史裏行慶

歷三年十二月初以陶為裏行恐誤也會要亦同實錄今並不取

錄云初以陶為裏行恐誤也會要亦同實錄今並不取

陶傳云時狄青罷樞密為使相陶上言祖宗以來未有

軍伍之人在此位者宜著為令使後毋復然案青罷樞

密為使相前 丁酉遼以烏庫德呼勒詳袞瑪噲為左

此矣今不取

伊勒希巴 甲辰貶觀文殿學士禮部侍郎知壽州孫
沔爲檢校工部尙書寧國節度副使初臺諫交論沔淫
縱不法事令使者按之得實故貶 丙午出後宮彭城
縣君劉氏於洞真宮爲法正虛妙大師賜名道一後又
坐罪削髮爲妙法院尼初劉氏在掖廷通請謁爲姦御
史中丞韓絳密以聞帝曰非卿言朕不知此後數日有
是命劉氏及黃氏在十閣中尤驕恣於是并黃氏皆出
之 丁未放宮女二百三十六人 甲寅以校書郎致
仕孔旼爲國子監直講揚州進士孫侔爲試校書郎本
州州學教授皆以近臣薦其行義也兩人卒辭不受

有御營卒桑達等數十人酗酒鬪呼指斥乘輿有司不
之覺皇城使以旨捕送開封府推鞠案成桑達市糾察
刑獄劉敞移府問所以不經審訊之由府報曰近例凡
聖旨中書門下樞密院所鞠獄皆不慮問敞曰此豈可
行邪遂奏請自今一準定格樞密使以開封府有例不
復論可否進呈報敞爭之曰先帝仁聖欽恤以京師刑
獄最難故建糾察一司澄審真偽今乃曲忤聖旨中書
門下樞密院所鞠公事不復審察未見所以尊朝廷審
刑罰而適足啓府縣弛慢獄吏侵侮罪人銜冤不得告
訴之弊又舊法不許用例破條今於刑獄至重而廢條

用例此臣所不論也帝乃以敝章下開封令著爲令

帝始欲於景靈宮建郭皇后影殿禮官言其不可遂寢之旣而翰林侍講學士楊安國請建影殿於洪福院禮官言影殿非古若謂郭皇后本無大過今旣牽復位號則宜賜謚冊祔於后廟以正典禮八月甲戌知制誥劉敞言伏聞禮官倡議欲祔郭氏於廟臣竊惑之昔春秋之義夫人不薨于寢不祔于同不反哭于廟則不言夫人不稱小君徒以禮不足故名號闕然則名與禮非同物也名號存而禮不足因不敢正其稱況敢正其儀者乎郭后之廢雖云無大罪然亦旣廢矣及其追復也

許其號而不許其禮且二十餘年一旦欲以嫡后之儀致之于廟然則郭后之殂也爲薨于寢乎赴于同乎反哭于廟乎羣臣百姓亦嘗以母之義爲之齊衰乎恐其未安于春秋也春秋夫人於彼三者一不備則不正其稱郭氏於三者無一焉而欲正其禮恐未安於義也祔於太廟用致夫人蓋謂致者不宐致也不宐致者以其不薨於寢不祔於姑也古者不二嫡則萬世之後宗廟之禮豈臣子所當擅輕重哉謹案景祐詔書本不許郭氏祔廟義已決矣無爲復紛紛以亂大禮議者或謂旣復其號不得不異其禮譬猶大臣坐非辜而貶者苟明

其非辜則復用之豈得遂不使爲大臣夫臣之與妻其
義雖均然逐臣可以復歸放妻不可復合臣眾而妻一
也故春秋公孫嬰齊卒于狸脈君曰吾固許之反爲大
夫此逐臣可以復歸也杞伯來逆叔姬之喪以歸夫無
逆出妻之喪而爲之者此放妻不可復合也今追祔郭
氏得無近於此乎乞令諸儒博議以求折衷於禮詔下
學士院詳定

以異李燾曰據蘇頌所作孫抃行狀則倡議祔后廟乃抃也又據汪藻所編詔有蘇

頌傳頌實倡議者頌以至和元年十一月同知禮院頌行狀是會肇作乙亥御崇政殿

策試應才識兼茂明於體用科明州觀察推官陳舜俞
賢良方正直言極諫旌德縣尉錢藻汪輔之舜俞藻所

對策竝入第四等授舜俞著作佐郎簽署忠正軍節度判官事藻試校書郎無爲軍判官輔之亦入等監察御史裏行沈起言其無行罷之輔之躁忿因以書誚讓富弼曰公爲宰相但奉行臺諫風旨而已弼不能荅舜俞烏程人藻鏐五世孫也 庚辰詔學士院趣上郭皇后祔廟議先是禮官祥符張洞駁劉敞議曰郭氏正位中宮無大過惡陛下閱其偶失謙恭旋復位號位號旣復則謚冊祔廟安得竝停況引春秋禘于太廟用致夫人之例據左氏則哀姜之惡所不忍道攷二傳之說復有非嫡之辭以此證本廟之事恐非其當若曰不薨于寢

不赴于同不祔于姑則郭后之歿不得其所責當歸于
朝廷死者何罪儻以杞伯來逆叔姬之喪質之譏其既
棄而復逆則天子之后萬方兆姓之母非有極惡又可
棄之乎既追復曰皇后可絕其祭享乎議者欲用後漢
東晉故事或祭於陵寢或築宮於外稽攷二史皆稱曰
母后況之于今亦未見其合也惟唐制立別廟遇禘祫
則奉以入享於義爲允敞復奏曰臣前奏最要切者以
爲人君無二嫡恐萬世之後禮分不明也洞旣不以此
爲辨若不幸朝廷過聽之是雖自以能訐上起廢爲功
而猶且陰偏母后妄瀆禮典臣以爲非臣子之義乞并

下臣章令兩制詳議洞復疏難敝說其後學士院卒不上議 癸未賜殿中丞致仕龍昌期五品服絹百匹昌期陵州人上所著書百餘卷詔下兩制看詳兩制言昌期詭誕穿鑿指周公爲大姦不可以訓乞令益州毀棄所刻版本昌期年幾九十詣闕自辯文彥博少從昌期學因力薦之故有是賜翰林學士歐陽修知制誥劉敞等劾昌期異端害道當伏少正卯之誅不宜推獎同知通進銀臺司兼門下封駁事何郊亦封還詔書乃追奪昌期所賜遣歸 先是禮官張洞韓維言國朝每遇禘祫奉別廟四后之主合食太廟據唐郊祀志載禘祫祝

文自獻祖至肅宗凡十一帝所配皆一后其閒惟睿宗
二后蓋昭成明皇之母也續曲臺禮有別廟皇后合食
之文蓋未有本室遇祫饗卽祔於祖姑之下所以大順
中以三太后配列禘祭博士商盈孫

致異殷盈孫唐時
博士也宋人章疏

遜諱改殷爲商
今仍其本文

以誤認曲臺禮意當時不能改正議者

譏其非禮臣等伏思母室既有定配則餘后於禮不當
升祔遂從別廟之祭而禘祫之日復來參列與郊祀志
曲臺禮相戾今親行盛禮義當革正其皇后廟伏請依
奉慈廟例遣官致祭詔待制以上議翰林學士承旨孫
抃學士胡宿侍讀學士李昭述侍講學士向傳式知制

詔劉敞王疇天章閣待制何鄭等議曰春秋傳曰大禘者何合祭也未毀廟之主皆升合會于太祖是以國朝事宗廟百有餘年至禘之日別廟后主皆升合會遵用以爲典制非無據也大中祥符五年已曾定議于時禮官著酌中之論而先帝有恭依之詔且行之已久祝嘏宗史既守以爲常一旦輕議損益恐神靈不安亦未必當先帝意也宗廟之禮至尊至重苟未能盡祖宗之意則莫若守其舊禮臣等以謂如其故便翰林學士歐陽修吳奎樞密直學士陳旭包拯權御史中丞韓絳知制誥范鎮天章閣待制錢象先唐介盧士宗議曰古者宗

廟之制皆一帝一后後世有以子貴者始著並祔之文
其不當祔者則又有別廟之祭本朝禘祫乃以別廟之
后列於配后之下非惟於古無文於今爲不可者又有
四焉淑德皇后太宗之元配也列於元德之下章懷皇
后眞宗之元配也列於章懿之下其位序先後不倫一
也升祔之后統以帝樂別廟諸后則以本室樂章自隨
二也升祔之后同牢而祭牲器祝冊亦統於帝別廟諸
后乃從專饗三也升祔之后聯席而坐別廟諸后位乃
相絕四也章獻章懿在奉慈廟每遇禘祫本廟致饗最
爲得禮若四后各祭於其廟則其尊自申而於禮無失

議者以爲行之已久重於改作則是失禮之舉無復是正也臣等請從禮官議久之不能決劉敞又獨上奏言羣臣不務推原春秋之法而獨引後儒疑似之說欲擠隔四后使永不得合會臣竊懼之夫宗廟之禮神靈之位豈可使數有後悔哉丁亥詔孝惠孝章淑德章懷皇后祫享且依舊須大禮畢別加討論

攷罷李燾曰劉敞作劉敞行狀云初

上春秋高朝議或有恐勞上拜起者而禮官承旨遂造此議上微聞之又得敞奏謂近臣曰朕初謂禮當然苟以拜起爲煩吾猶能之何憚也案建此議者張洞韓維等必不然敞係議郭后祫廟事與洞有隙敞云爾以誣洞也今

自郭諮均稅之法罷論者謂朝廷徒卹一時

之勞而失經遠之慮至皇祐中天下墾田視景德增四

十一萬七千餘頃而歲入九穀乃減七十一萬八千餘石蓋田賦不均其弊如此其後田京知滄州均無棣田蔡挺知博州均聊城高唐田歲增賦穀帛之類而滄州之民不以爲便詔諭如舊是日復遣職方員外郎孫琳都官員外郎林之純屯田員外郎席汝言虞部員外郎李鳳祕書丞高本分往諸路均田本獨以爲田稅之制其廢已久不可復均纔均數郡田而止

致異李燾曰實錄在五年四月

丙戌今從會要及司馬光記聞案會要云四年八月二十七日與記聞所書己丑相合也

九月甲

午以權發遣度支判官太常博士澶淵張田知蘄州田初爲廣信軍通判夏竦與楊懷敏建議增廣信等七州

軍塘水詔田聚議田獨曰塘水不足以禦邊而壞民良田浸人家墓非便奏疏極言之坐徙通判均州又責監郢州稅久之復通判冀州中官張宗禮迎遼使過郡使酒自恣郡將畏憚不敢發田發之詔置獄配宗禮西京酒掃班三司使包拯薦田攝其屬執政難之田乃貽富弼書數其過失五事曰公負天下重望數十年今爲元宰而舉措如此甚可惜也拯由是得請田因建議郊賚非古也軍賞或不可遽廢願自執政以下小損之章五上諫官唐介劾田內挾姦心外夸敢言陰附宗室宦官不敢裁減而刻剝其餘使國家虧恩傷體乞加貶黜故

有是命 丙午詔帶閤門祇候使臣內殿崇班以上太子率府率及正刺史以上遭父母喪及嫡子孫承重者並聽解官行服其元係軍班出職及見管軍若路分部署鈐轄都監極邊知州軍縣城寨主都監同巡檢並給假百日追起之供奉官以下仍舊制願行服者聽宗室解官給全俸先是判三班院韓縝言今武臣遭父母喪不解官行服非通制下臺諫官詳定而具爲令 戊申提點廣南西路刑獄李師中言知邕州蕭注欲伐交趾知宐州張師正欲取安化軍恐遠人間之不自安請戒注等毋得生事從之注在邕州久陰以利陷廣源諸蠻

密繕兵甲乃奏曰交趾外奉朝供中包禍心臣今盡得其腹心周知要害之地此時不取它日爲患不細願得馳至闕下面陳方略論者以注爲國生事不省 甲寅以戶部郎中張瓌同判太常寺兼禮儀使事瓌再上疏乞毀溫成廟皆不報 史館修撰歐陽修言史書宜藏之有司往時李淑以本朝正史進入禁中而焚其草今史院但守空司而已乞詔龍圖閣別寫一本下編修院備檢閱故事從之 丙辰降禮部郎中分司南京呂溱爲兵部員外郎以前責尙輕也初陝西用兵朝廷多假借邊帥及孫沔與溱相繼得罪自是守帥之權益微

詔享景靈宮太廟習儀自今並於尙書省先是集賢校
理邵必言周官小宗伯之職凡王之會同甸役禱祠肆
儀爲位鄭氏注云若今時肆儀司徒府今習宮廟儀而
啓室登殿拜則小挹奠則虛齋樂舉祝歆舞備行緩慢
褻神靈莫斯爲甚宜移尙書省以比漢司徒府從之

冬十月壬戌朔遼主如南京祭興宗於嘉寧殿 甲子

百官赴尙書省習儀尙書省門庭迫狹僕馬壅塞自宰

相親王以下至日昃不能出 壬申朝饗景靈宮

攷異長編

引實錄云車輅入景靈宮雪驟作及出行禮雪乃止明日五鼓有黃雲捧月江休復云祿享行禮之際雪寒特甚上秉圭露腕助祭諸臣見上 癸酉大祫于太廟大赦

恭虔眾手執笏者揚然揜袖

以益州爲成都府并州爲太原府始中書進擬赦書條
目極多專務惠澤及民旣宣赦畢咸稱前後赦恩未嘗
如此也韓琦之在太原也乞復并州爲節鎮翰林學士
胡宿以爲商爲宋星參爲晉星國家受命始於商邱又
京師當宋分野而并爲晉地參商仇讎之星今欲崇晉
非國之利也自宋興并最後服太宗削之不使列於鎮
幾八十年宜如舊制帝是宿議及琦秉政因祗享赦書
卒復之宿又以爲言不報 戊寅文武百官竝以祗饗
赦書加恩始百官致齋朝堂翰林侍讀學士尙書左丞
李昭述暴得疾輿歸遣醫診視存問甚厚是日卒贈禮

部尙書謚恪方李氏居城北崇慶里凡七世不異爨土
大夫多推之至昭述稍封殖與從子不相中家法頗衰
十一月乙未命天章閣待制兼侍讀錢象先廬士宗
右司諫吳及定奪該恩敘雪人自後每降赦卽命官定
奪事蓋始此 己亥以河南處士邵雍爲將作監主簿
本府以遺逸薦故有是命後再命爲潁州團練推官皆
辭疾不起 庚子汝南郡王允讓薨王性至孝母楚國
太夫人感寒疾方盛暑猶處密室欲鑿牖爲明恐匠氏
弗謹以斤斲驚夫人因自撤牖始庀工及喪過自哀毀
帝親臨奠賻白金三千兩王伏泣曰親喪受重賜是子

終不能以己力辦喪而負誠孝也固辭葬日徒跣攀柩
行十餘里帝聞亟詔就乘再三始奉詔王始病帝憂見
千色敕醫診療日問疾增損既臨奠詔特屏桃茱祓滌
以示親厚賻卹加等罷朝五日贈太尉中書令追封濮
王謚安懿王天資渾厚內仁而外莊雖左右未嘗見喜
愠之色爲太宗正二十年宗族懷其恩而畏其嚴重
是月賜果州草澤何羣號安逸處士益州草澤章營號
沖遄處士以轉運使言其有行義也羣西充人嘗遊太
學石介語諸生曰羣曰思爲仁義而已不知饑寒之切
已也嘗上書請復鄉里舉選而罷詩賦兩制詘其議遂

歸不復舉進士管雙流人長於易太元嘗以薦授本州

教授辭不拜遼禁民私獵十二月壬戌朔遼以北

院林牙瑪陸舊作馬六今改爲右伊勒希巴參知政事吳湛以

弟洵冒入仕籍削籍爲民初右諫議大夫周湛知襄

州襄人不用陶瓦率爲竹屋歲久侵據官道簷廡相逼

故火數爲害湛至度其所侵悉毀撤之自是無火患然

豪姓不悛提點刑獄李穆奏湛所毀撤民屋老幼失業

乞特行責降或令致仕詔轉運司察實甲子徙湛知相

州右司諫吳及言湛不宜被責穆聽讒言爲權豪報怨

明年六月湛卒于相州致墨長編引湛附傳云轉運使陳希亮言湛爲民息災不爲擾

與正傳不同
今從正傳

己卯觀文殿學士兼翰林侍讀學士王

舉正爲太子少傅致仕 宰相富弼自給享禮成以母

老累章求退帝不許仍斷來章弼又上劄子一畱中一

封還又稱疾臥家帝遣中使召出之乃復視事 知制

誥劉敞言伏見故事諸議官者或一議或再議或三議

皆有品秩頃來士大夫每有除命不問高下例輒累議

雖有出於至誠恬於勢利者然亦已逾典制若習俗逐

巧流風稍敝必且挾僞采名要上迷眾要以此爲進取

之捷徑奔競之視策甚可惡也臣言似迂而慮實遠望

賜裁察時士大夫稍矜虛名每得官輒議或四五議以

至七八天子常優容之下至布衣陳烈等初除官亦讓
賜之粟帛亦讓故敝有此疏是歲遼放進士梁援等
一百一十五人

五年

遼清寧六年

春正月辛卯朔白虹貫日

己亥錄劉繼

元後

乙卯省御書院并翰林圖畫待詔以下額外所

增員

是月鑿二股河自李仲昌貶河事久無議者河

北都轉運使韓贇言四界首古大河所經宜浚二股渠
分河流入金赤河可以紓決溢之患朝廷如其策役三
千人幾月而成未幾又并五股河浚之有大星墜西
南光燭地有聲如雷占者曰天狗同知諫院范師道言

天狗所下爲破軍殺將宜擇將帥訓練士卒詔天下預
爲備禦 二月壬戌錄繫囚 丙寅禮部貢院請增江
浙福建川廣諸州軍解額凡一百三十五人從之 戊
辰以太常丞監察御史裏行王陶爲右正言諫院供職
帝自服丹藥寡於言語羣臣奏事領之而已陶言王者
之言羣臣皆稟受以施於天下者也今政事無小大皆
決於中書樞密陛下無所可否豈爲人主之道哉又
言皇嗣未立宜擇宗子昭穆同者育之以同列志趣不
合數請監靈仙觀不許 三月壬辰詔禮部貢舉 癸
巳觀文殿大學士刑部尙書劉沆卒贈左僕射兼侍中

知制誥張瓌草詞詆沆其子館閣校勘瑾訴於朝帝爲改命詞臣其家不敢請諡帝又爲作挽辭且篆其墓碑曰思賢沆性豪率少儀矩然任數善刺取權近過失陰持之故雖以高科仕其進用多由此 乙未歲星晝見

戊戌詔流內銓自今歸明人年二十五以上聽注官
丙午詔廣南東西路攝官處皆荒遠炎瘴之地而月俸不足以自給其月增錢千五百 初御史中丞韓絳言諸路災傷朝廷雖行賑恤而監司親民官未盡究心致民之流徙者眾壬子下詔訓敕 甲寅詔登州改配沙門寨罪人三十二人於諸州牢城 自詔弛茶禁論

者復言不便知制誥劉敞翰林學士歐陽修頗論其事
敞疏云朝廷變更茶法由東南來者更言不便大要謂
先時百姓之摘山者受錢於官而今也顧使之納錢於
官受納之間利害百倍先時百姓冒法販茶者被罰耳
今悉均賦於民賦不時入刑亦及之是良民代冒法者
受罪子子孫孫未見其已先時大商富賈爲國賈遷而
州郡收其稅今大商富賈不行則稅額不登且乏國用
望朝廷因臣言求便國惠民之策修疏云臣聞議者謂
茶之新法旣行而民無私販之罪歲省刑人甚多此一
利也然而爲害者五焉民舊納茶稅今變租錢一害也

小商所販至少大商絕不通行二害也茶稅不登頓虧
國用三害也往時官茶容民入糴故茶多而賤今民自
買賣須用真茶真茶不多其價遂貴四害也河北和糴
實要見錢不惟商旅得錢艱於移用兼自京師歲歲輦
錢於河北理必不能五害也一利不足以補五害乞除
前令許人獻說詳定精當庶不失祖宗舊制不聽 遼
主如鴛鴦樂 夏四月庚申權同判尙書刑部李縱言
刑部一歲中殺父母叔伯兄弟之妻殺夫殺妻殺妻之
父母凡百四十劫盜九百七十夫風俗之薄無甚於骨
肉相殘衣食之窮莫急於盜賊今犯法者眾豈刑罰不

足以止姦而教化未能導其爲善歟願令刑部類天下
所斷大辟罪歲上廟廷以助觀省從之 己卯命度支
判官祠部員外郎直集賢院王安石同修起居注安石
以入館才數月館中先進甚多不當超處其右固辭以
程戡與宋庠不合數爭議帝前臺諫以爲言帝不悅殿
中侍御史呂誨復論戡結貴倖癸未乃罷戡爲翰林學
士承旨兼侍讀學士以禮部侍郎知制誥孫抃爲樞密
副使 甲申降右司諫祕閣校理吳及爲工部員外郎
知廬州太常博士監察御史裏行沈起落裏行通判越
州初諫官陳旭建議裁節班行補授之法下兩制臺諫

官集議已定藁及輿起輒增注興軍國磁湖鐵冶仍舊
與班行主磁湖鐵冶者大姓程叔良也翰林學士胡宿
等劾及等職在臺諫而爲程氏經營占錮恩澤乞詔問
其狀及等引伏故并黜之 丙戌命權三司使包拯右
諫議大夫呂居簡戶部副使吳中復同詳定均稅 五
月戊子朔京師民疫選醫給藥 遼監修國史耶律白
請編遼主所製詩賦命白爲序遼主好吟咏其後知制
誥耶律良又編御製詩文曰清寧集遼主命良詩爲嘉
會集親製序賜之 己丑京師地震 西上閣門使英
州刺史郭諮獻所造拒馬車諮嘗知潞州言懷保二郡

旁山可以植稻定武唐河抵瀛莫閒可興水田又作鹿
角車陷馬槍請廣獨轅弩於它道詔諮置弩諮又言頃
因北使得觀幽燕方不及三百里無十萬人一年之費
若以術制之使舉不得利居無以給不踰數年必棄幽
州而遁臣慶歷初經畫河北大水界斷敵疆乃其術也
臣所勅車弩可以破堅甲制奔衝若多設之助以大水
取幽薊如撲囊中物耳會三司議均田租召還諮陳均
括之法四十條復上平燕議曰自瓦橋至古北口地狹
民少自古北口至中京屬奚契丹自中京至慶州道旁
機七百餘家蓋契丹疆土雖廣人馬至少儻或南牧必

率高麗渤海達達黑水女真室韋等國會戰其來既遠
其糧匱乏臣間以近待遠以佚待勞以飽待飢用兵之
善計又間得敵自至者勝先據便地者佚以臣所見請
舉慶歷之策合眾河於塘泊北界以限戎馬然後以景
德故事頓兵自守步卒二十萬騎卒三萬彊壯三萬歲
計糧餉百八十三萬六千斛及旁河郡邑可由水運以
給保州應援以拒馬車三千陷馬槍千五百獨轅弩三
萬分選五將臣可以備其一來則戰去則勿追幽州糧
儲既少屬國兵不可久畱不半年間當遁沙漠則進兵
斷古北口砦松亭關傳檄幽薊燕南自定帝壯其言詔

置獨轅弩二萬尋命諮同提舉在京諸司庫務及揀內
軍器庫兵仗下南北作坊以完軍器 貴人董氏生皇

第十一女庚寅進位美人固辭乞贈父官一級如其請

甲午觀文殿大學士戶部侍郎龐籍爲太子太保致
仕籍自定州召還旣入見詣中書省求致仕執政曰公
康寧如是上意方厚柰何堅求欲去籍曰若待筋力不
支人主厭棄然後去豈得爲知足哉遂歸臥於家前後
凡七上表乃許之仍詔籍出入如二府儀 丁酉詔三
司置寬卹民力司 己亥以潁州進士常秩爲試將作
監主簿本州州學教授翰林學士胡宿等言其文行稱

於鄉里故也秩臨汝人嘗舉進士不中退居二十餘年
尤長於春秋斥孫復所學爲不近人情著講解數十篇
己酉以王安石爲三司度支判官遼主駐納葛潔
乙卯錄繫囚降罪一等徒以下釋之

續資治通鑑卷第五十八